

明
詩
紀
事

明詩紀事

貴陽陳 田輯



姚廣孝 十六首

廣孝長洲人幼名天僖既爲僧名道衍字斯道洪武
中以高僧選侍燕邸永樂初論靖難功爲僧錄左善
世加太子少師復姓陽今名卒贈榮國公諡恭靖有
逃虛子集十卷

鳧藻集斯道上人獨菴集闕放馳騁以發其才優柔
曲折以泄其志險易並陳濃淡迭顯兼采衆家不事
拘狹

水東日記劉原博嘗見姚榮公小像僅寸許周遭皆
書公詩句盤聯如詠團扇云掩歌聲不散障月影同
圓御溝詩云靜涵金殿影清斷玉街塵此類甚多

國雅姚恭靖性空思元心寂語新其興彌僻其趣彌
遠如龍馴傳信鶴也蓄換書鵲翠低承雨竹綠碎受
風蕉不過林纔見日到渡不逢山此例已到彼岸惠休
法振不得專譽禪藻
田按逃虛子集有讀韋應物詩云古淡豈易學五字
真吾師集中斯體最爲到格與高季廸遊列北郭十
友之一季廸贈詩云衍師本儒生眉骨甚疏峭軒然
出人羣快若擊霜鶴固不待猿洪見三角目僧知爲
虎病

訪震師不遇

波澄一溪雲霜紅半山樹荒煙滿空林疏鐘在何處不遇采
樵人復抱孤琴去

師林精舍遇盈師夜坐

空林長掩關閒雲去無迹偶來值禪侶清談忘永夕坐久磬
聲沈松堂一燈寂

館中公暇讀王維孟浩然韋應物柳宗元詩

四首

輞川治別業來往少簪纓幽違勝柴桑泉石有餘清揮酒自
爲樂吟咏得真情邈焉千載下孰不慕高名

襄陽耆舊間放情獨夫子蹇驢城市中短褐風塵裏有時詩
興發高山共流水閒澹意有餘鮑謝焉足擬

少時事豪橫中年道頗知焚香日冥坐隨處樂無爲交遊泉
石間感物自成詩古淡豈易學五字真吾師

愚溪非舊業幽棲亦超然放逐豈不畏所樂乃在天寓意一
於詩出語何清研恨不生同世日夕與周旋

遊龍泓洞

偶攜虎林僧潛入龍泓洞盤桓竟忘返遊囑從所縱泉聲風

賴雜雲氣煙嵐共奇跡由人成靈瑞乃天送巖深匿狡蹤
窗山應樵呀壁仄微蟲蟄石罅古苔凍不來甯免思乍到翻疑
夢踟躕感舊遊令人欲悲慟

劉文貞公墓

良驥色同羣至人迹混俗知已苟不遇終世不怨讎偉哉藏
春公簞瓢樂巖谷一朝風雲會君臣自心腹大業計已成勲
名照簡牘身退卽長往川流去無復佳城百年後鬱鬱虛溝
北松楸煙靄青翁仲薜蘿綠強梁不敢犯何人敢樵牧王侯
墓纍纍廢不待草宿惟公在民望天地同傾覆斯人不可作
再拜還一哭

靜志居詩話少師早著才權臨參帷幄文與北郭十
友之列武居靖難諸臣之首觀其入燕兩謁劉太保

蕤詩蓋早以歲
春子自命矣

楊白花

楊白花雪同色最是無情況無力西蕩東飄意難必斷送春
光何太疾薄暮和煙點綠漪化作浮萍自不知願託春風回
故處爲伊吹入宮中樹

妙上人習靜軒

嵐嶺照深屋雲松翳閑門鳥哢驚曙白花氣覺春溫以茲迴
塵境自可澄真源冥觀了無法何有寂與喧

京口覽古

譙樓年來戰血乾煙花猶自半凋殘五州山近朝雲亂萬歲
樓空夜月寒江水無潮通鐵甕野田有路到金壇蕭梁事業

今何在北固青青客倦看

田按史稱洪武中詔通儒皆僧試禮部道衍不受官賜僧服還經北固山賦詩懷古其儕宗泐曰此豈釋子語耶道衍笑不答卽此詩也

寄虎邱蟾書記

聞道蟾公似贊公一瓶一鉢寄山中雲封蘿屋長疑雨泉響松巖半是風履破只緣行腳久囊空非爲作詩窮遙思短簪祠前夜共聽寒鐘出磻東

綠水曲

夕陽閣遠樹春雲散澄江不見蕩舟人空對白鷗雙

題畫

小小板橋樵路深深茅屋人家竹鳴夕陰非雨桃源春煖多

花

開元寺雨中觀梅

遙思西嶺開千樹漫往東林見一枝
煙雨冥濛香影盡爲絲
惆悵立多時

竹枝詞

一程煙水一程山客子行時那得還
女兒擊榜歌欲絕愁見
溪月自灣灣

解縉十二首

縉字大紳吉水人洪武戊辰進士試中書庶吉士改
御史建文立謫河州吏目旋待詔翰林永樂初進侍
讀學士直文淵閣逾年進翰林學士出爲廣西參議

改交趾入奏事會成祖北征見東宮辭去徵下獄死

有白雲蘂東山集

四庫總目緒才氣放逸下筆不能自休當時有才子之
目迄今委巷流傳其少年夙慧諸事率多鄙誕不經
故李東陽懷麓堂詩話謂其詩無全臻真偽相半蓋
出於後人宜亂者為多然其中佳句間存亦復不減
作者
東里文集解公文雄勁奇古新意疊出敘事高處逼
司馬子長雖退之詩豪宕豐盈似李杜其教學者恆
曰甯為有瑕玉勿作無瑕石書小楷精絕行草皆佳
會稽集題集公為中書庶吉士嘗應制春雨詩裴鶴
賦藻華而成造語奇崛時中書舍人詹孟舉以書名
世亟稱公書有法而用筆精妙出人意外意表為文興至
落筆數千言倚馬可待未嘗創毫人以太白擬之
施堂詩話解學士大紳才名絕世詩無全雅黃學士
諫收拾遺逸漫為集刻今所傳本如采石弔李白中
秋不見月不過數篇其餘真偽相半頓令觀者有楓
落吳江之歎
七修類稿永樂中秋開宴不見月聖情不懌學士
解縉口占風落梅一闕云姮娥面今夜圓下雲簾不

著臣見拚今宵倚闌不去眠看誰過廣寒宮殿又賦
中秋不見月長短句一首上覽之歡甚為停杯以待
夜午月復明上大笑曰解縉真才子奪天手也命宮
人滿酌宣勸盡惟而罷
魏翁家藏集永樂時人多能書當以學士解公為首
詩談吉水解縉獨駕青鸞翔入極使藹仙遇之當
懸榻以待
藝苑卮言解大紳詩如河朔大俠鬚髯戟張與之周
旋酒食僧父狂草名一時然縱蕩無法正書頗精研
國史唯疑成祖自平胡平安南以及河清麟見弱虞
龍馬之祥胡楊蹇夏諸公皆撰為賦頌惟解大紳作
差可觀耳
列朝詩集縉為庶吉士高皇帝極愛之每侍書至親
為持硯高皇帝崩來奔喪謫河州衛吏目李曹公錄
進登華嶽詩詔待詔翰林
田按大紳詩才氣縱橫不暇收拾流傳訛雜又復過
之朱氏詩綜洗滌太淨但錄寥寥短篇不足見此公
真面今略處為甄錄逸情勝概可想見風流人豪也

行路難

倚劍且莫嘆聽歌行路難世途反覆多波瀾焦源九折未為

難君不見漢謠斗粟歌未闕長門蕭蕭秋草殘骨肉之間尙
如此何況他人方寸間又不見絳侯身榮轉繫獄賈生空對
長沙哭功成更覺小吏尊才高甯避讒言逐所以赤松子遠
避中林期誰能吳江上見笑鴟夷皮驪龍有珠在滄海勸君
逆鱗無浪批子推介山下屈原湘水湄當時鑿枘一不量至
今憔悴令人悲行路難難爲言滄浪一曲且歸去長安大道
橫青天

長歌行

有淚莫泣鮫人珠有足莫獻荆山玉赤心徒使按劍看至寶
翻令笑魚目千金蹈海稱達人五噫出關東去秦負芻無復
遇知己空歌白石南山春楚卿棄相復何有於陵甘作灌園

曳雜縣偶集魯東門悵悵胡能事杯酒長風蕭騷百草殘長
劍悲歌涕洟瀾金臺駿骨久已化瑤水風波不可攀畏途羊
腸能折軸作詩爲謝雲間鶴海上三峯久負期醉歸休託平
原宿

趙松雪畫杜陵戴笠圖

碧雞坊裏春風顛浣花溪邊晴日暄浩歌一曲花弄影慷慨
不及開元前飯顆山頭憶相見厯下新亭舊時面吟詩未遣
髭鬢愁愁絕胡塵暗河縣平生落筆五嶽搖調笑不作兒女
嬌錦袍仙人伯仲耳誰謂有作徒相嘲詩卷長留雨不滅玉
顏癯骨俱清絕萬古詩人照膽寒松柏蒼然傲冰雪吳興公
子眞天人寫影自與韓衆親新圖古色照秋水如此子美方

逼真槎翁老仙我所敬十年寤寐遊珠林新詩妙墨聚片紙
令我觀之諧夙心嗟余豈是諸公徒青天空行一事無紛紛
餘子風斯下獨立唯見明星孤吁嗟杜陵焉可呼

王士禎居易錄趙松雪畫杜子美戴笠圖深衣烏帽
加竹笠其上足躡芒鞋昂首袖手若行吟之狀下方
有趙子昂氏及松雪齋二印上有劉松子高題絕句
云杜陵憔悴鬢如絲飯願淒涼日午時為報西流夜
郎客錦袍霜冷更相思白跋云右草堂杜拾遺戴笠
小像吳興趙文敏公所畫往年余得之高安劉氏宅
日與之徵士觀畫於桃源山中因持以歸之併題
識其上云洪武庚申秋仲珠林生劉松書解春雨又
題七言長歌一篇書法精勁類邢太僕末題前翰林
解縉書詩不見本集予平生所見唯故友宋荔裳所
刻秦州像何宇度所刻成都浣花草堂像皆石本蓋
皆臨松雪畫而風神不及遠矣
施閏章蠓齋詩話西昌蕭伯玉太常舊藏杜陵圖高
可盈尺純用白描而神采高寒趙文敏筆也劉公子
高題句解縉春雨又書長歌其上以詩既佳而解集
失載字體作指大行草道潤有法絕非世所傳解書

體也時以趙畫劉解雨公題爲三絕余官湖西從蕭氏孟防見之賞異作詩蕭輒欲見贈不受及歸田再贈始受之時一展對如揖浣花老人也

交趾卽事

交趾名藩百雉雄高駢塔在古城東
弓刀選士軍容肅鐃角吟風奏節同
蠻女豔粧爭半髮夷人村鼓共鳴銅
可憐新息猶遺廟桐樹荒涼草棘中

北流句漏洞

北流縣下古銅州平地山巖聳玉樓
誰爲丹砂赴句漏人傳蝴蝶滿羅浮
楊妃井塌風煙古葛令祠荒草樹秋
卻憶故鄉山更好錦袍歸去掉扁舟

遊閣阜山

到處名山曾一遊今年紫淦更淹留
凌雲峯上九龍井閣阜
山前雙鯉洲宋元碑仆翠苔積草樹日與蒼煙稠
登高弔古
愁明月明月西墜愁未休

退朝卽事二首

椰子南來百粵中黃藤純束赤筠籠
恩頒內閣分攜去猶有
大官黃紙封
大將平湖兀亮阿旌旗雲擁照山河
明朝借我雙雄鳳直上
青天聽凱歌

全州雜興

陶生岩畔午風清
唐介墳前江水平
兩岸鷓鴣啼不住
畫船
撾鼓到全城

西行

八千里外河湟客
鳥鼠山頭望故鄉
欲問別來多少恨
黃河東去與天長

廣西感舊

去歲端陽奉御筵
金盤角黍下遙天
黃封特賜開家宴
回首薰風又一年

過三合驛

荔枝子結蟲窠綠
倒黏花開女臉紅
望見石城三合驛
便分歧路廣西東

石渠隨筆解籍自書雜詩卷字迹揮灑自如頗似懷素特轉折處露鋒耳故此公工力正自不少詩極奇麗多粵中詩蓋永樂五年謫廣西布政司參議旋改交趾督餉化州八年始還此詩爲謫後所作觀此可

知何文毅集中之繆今擇錄廣西咸舊過三合驛二絕末款云此余近日所作數詩皆率爾而成今又率爾書之雖然未嘗敢棄古自爲也中間複筆覆筆返筆之妙付有識者自辨之

楊士奇

八首

士奇名寓以字行泰和人建文時以薦授教授旋入翰林充編纂官試吏部授吳府審理副仍供館職永樂初改編修入內閣典機務歷侍讀左中允左諭德學士改左春坊大學士仍兼翰林學士隆慶初擢禮部侍郎兼華蓋殿大學士進少傅兼兵部尙書正統初進少師卒贈太師諡文貞有東里全集九十七卷

別集四卷

四庫總目明初三楊并稱而士奇文章特優制誥碑版多出其手仁宗雅好歐陽修文士奇文亦平正紆餘

得其髣髴故鄭瑗并觀瑣言稱其文典則無浮泛之
病雜錄細事極平穩不費力後來館閣著作沿爲流
派遂爲七子之口實然李夢陽詩云宣德文體多渾
淪偉哉東里廊廟珍亦不盡沒其所長蓋其文雖乏
新裁而又不失古格前鑑典型遂主持數十年之風氣
非偶然也

水東日記二月二日秋官郎中彥謐賢友南行詩以

識別楊生青雲器文彩輝白璧腰間龍泉劍別我有

遠適好謀而有所成明功幸苟得常論萬里行模煖像

文德懷忿忽遠圖急功幸苟得常論萬里行模煖像

古昔懷忿忽遠圖急功幸苟得常論萬里行模煖像

時積漢延所遺帥孰是趙充國子行職贊襄屢勉據

良畫雖有斗酒饒安能寫胸臆臨歧念素交聊贈繞

朝策廬陵楊士奇石詩見楊氏世美錄初董川之議

蓋有主之者內閣未之聽而兵部利之於是王忠毅

公事愈明他日豈無秉公是於形簡而致深慨於是

此者乎

麓堂詩話楊文貞公東里集手自選擇刻於廣東爲

人宜入數篇後其子孫又刻爲續集非公意也文貞

亦學杜詩古樂府諸篇間有得魏晉遺意者尤精鑒

識慎許可序唐音謂可觀世變序張式之詩稱品哉

平楷而已

何孟春餘冬序錄晉天文志瑞星凡五宋中興天文

志瑞星十有二詳減不一其三則皆曰舍舉宣德五

年冬是星見於九游朝臣表賀上謙不居賜之璽書

相為戒飭時楊文貞在閣進詩一章有曰宣德庚戌

月惟己丑其日丁亥名瑞在酉大星如丸九游之旁

有慧若射金玉其煌厥名含譽太史敷奏百辟嵩呼

賀祥獻壽皇德仁聖謙讓是崇闢功祇歸功祖宗

歸功聖母亦及臣子仲命飭勵敬哉勿怠數句誓寫

聖君之心太宗在北京有白鵲之瑞行在禮部行南京

翰林記太宗在監國以下及五府六部例各進表時

慶賀自皇太子告監國表命庶子贊善呈稿殿下不

楊士奇以病在告監國表命庶子贊善呈稿殿下不

憚命尚書鑒義持以示士奇曰甚寂寥且云不著

題似賀白龜白鹿皆可以因命改益士奇改一聯云

金門而送喜馴形陛以有儀後增一聯云與鳳同類

踰殿於帝舜之庭如玉之輝鵲在文王陳之固義以

進殿下喜曰此方是帝王家白鵲適內使陳昂進御

饌徹以賜之且有使勉進藥食早相見也昂進御

菽園雜記東里楊先生嘗見息山鄒防送行詩有佳

句默識其名一日知崑山縣羅永年以事上東我謁

東里問崑山有屈防何如人永年花然無以對東里

云士人尙不知耶永年慚赧而退及還任乃求防識
之未幾有詔舉經明行修之士永年乃以防應除南
海縣丞卒官前輩留心人物如此
懸笥項探况公鍾治蘇剛果敏達不畏強毅有惠政
九載滿去郡民赴闕留者八萬餘人遂再遣任楊文
貞贈以詩曰十年於官士民繪其像祀於范文正公祠
郡十有一年卒於官士民繪其像祀於范文正公祠
藝苑有言楊文貞功至今貴之曰墓閣體詩如流水
爲主而乏充拓之功至今貴之曰墓閣體詩如流水
平橋粗成小致文貞文敏胡文穆金文靖皆大臣有
詩藏永樂中楊文貞文敏胡文穆金文靖皆大臣有
篇什者頗以位遇掩之詩體實平正可觀
西江詩話何喬遠文苑記序云士奇臺閣之體當世
所推良以朝廷之上但取敷適相沿百餘年有依經
之儒而無擅場之作似譏其稍涉淺顯也然以語文
貞制誥文字則有然若其詩精真麗則悠然而有餘
思逼真唐人氣格殊非苟學所能到者常有知音味
余此言

田按文貞晚年思歸嘗自述胡光大語余術者言同
官中吾兩人將老得退果若其言卽各具小舟可二
儼操者舟中貯書冊楮筆壺觴棋局如廣訪君臆舟
君門外一里所造童子招君君徑入舟同派流至五

雲驛望夫容峯則返樞及君入舟處君獨歸廣不過
君竟去君訪廣亦然但公流至玉峽而返戢必五六
過訪用此共適餘年他日又語予曰吾兩人情義實
兄弟後死則銘予諾之顧時亦謾言耳豈謂光先
予後也沒後半歲余夜夢偕光大泛舟自快問至郡
城下同載甚樂共聯詩光大起首句僕續第二第三
光大續第四第五第六第七句余悲怕不勝遂補之詩曰
覺而忘第五至第七三句余悲怕不勝遂補之詩曰
金螺瀝對夫容鵲渚漁舟窈窕通遠樹白雲秋色
淨故人清興酒船同河山夢冷謳吟後生交深感
慨中猶想勝絲如夙昔並騎黃鶴過江東厥後年幾
七十又作歸田趣四時滿江紅詞四首今錄其春收
云霜鬢蕭蕭皇恩重賜歸田里郊郭外草亭圍面青
山綠水好鳥好花春似昔同里郭外草亭圍面青
棕州任道遙東風裏芳草岸平時如砥垂楊徑清如洗
散牧處冉冉時霞飛綺江色北於懷抱淨都無一點
閒雁萍更小兒牛背有書聲清入耳秋漁云七點
來西江上堪遊堪釣秋水共天長一色也堪吟嘯穩
坐木蘭漁艇子大兒能網中兒棹小兒自理會然香
爐烹茶竈瀝花渚雲爭耀楓葉岸霞相照山無數清
北方壺員嶠放浪不知天地外蕭閒底用玄真號聽
數聲長笛白鷗前江南調正統初數以高年辭弗許

僅得還鄉展墓數旬卽來京前詩見自題雪夜清興
倡和卷永嘉謝廷循爲作雪夜清興圖後詞見歸田
圖卷後卷首沈民則隸古詞及自序錢塘蔣廷暉書
畫四段則華亭朱孔易筆也

題陳叔起詩

青山帶長林虛亭負蕭爽溪流玉虹天光涵滉漾
澹遊窮芳愜幽賞惟有同心人扁舟自迴往

夏夜用謝宣城韻答陸伯陽

連栢起高城微鐘飄廣陌徘徊夏夜長懷人未眠客
林風有餘清庭月流虛白結思渺城南如何違促席

滕王閣送別

章江西來繞洪州滕王高閣臨江流滕王去後無千歲
高閣人間幾興廢昔聞貞觀全盛時大廷金冊封宗支
時平還出

領旌節富貴非常驕逸滋正對西山俯南浦雕闌朱檻參差
起玳筵鳳管雜龍笙白晝歌聲彩雲裏留連晚日下簾鉤別
有漁歌聞上頭回眸共盼滄洲際杏彩蘭嬌擁峨眉只言歡
樂殊未央城頭一夜飛秋霜三春榮盛逐流水佩玉鳴璫俱
渺茫年深代易無此閣好事何人爲重作絕世留傳蛺蝶圖
東風粉色皆銷落只今閣空臺亦平瀕江但有滕王亭松門
薄暮掩脩竹萬葉蕭蕭寒雨青當時乘德耽遊宴身後荒涼
竟誰歎一種南昌孺子亭行人下馬思東漢君行幾日過江
津弔覽應知作賦新文章自昔三王盛還見今人繼昔人

寄尤文度

昔憶尤參議投簪養病勞卑栖人總厭閒散自能高廚卻胡

奴米門深仲蔚蒿平生冰雪意猶足重吾曹

送向武全吏目

一命微官萬里程清時行送魯諸生天連粵嶠孤城險家渡
湘江數口輕楊柳飛花沾去棹桄榔雜樹隱離情才高莫歎
淹遐僻政滿還來謁聖明

發淮安

岸蓼疏紅水荇青芙蓉花白小如萍雙鬟短袖慚人見背立
船頭自采菱

題少保楊澹菴江鄉歸趣圖

巴陵西畔楚江分曾泛湖波望嶽雲借得君山小龍笛月明
吹向洞庭君

劉伯川席上作

飛雪初停酒未消溪山深處踏瓊瑤不嫌寒氣侵人骨貪看

梅花過野橋

雙槐歲鈔泰和劉伯川善觀人時楊士奇年十四五
與陳孟潔往候之伯川以二人皆故人子入見款洽
焉是日雪霽酒酣伯川命各賦詩言志孟潔賦云十
年勤苦事難留有志青雲白玉堂會待春風楊柳陌
紅樓爭看綠衣郎士奇即景賦詩云伯川顧孟潔
笑曰十年勤苦只博紅樓一看耶子常不失風流進
士顧士奇笑曰雖寒士當耐又曰人有不爲也而後
可以有爲子當大用尙勉之惜子不及見也伯川卒
後孟潔果第爲翰林庶吉士而士奇官至少師皆如
伯川言

楊榮十六首

榮初名子榮字勉仁建安人建文庚辰進士授編修
永樂初入直內閣賜今名歷修撰侍講右諭德右庶

子學士掌翰林院事進文淵閣大學士仁宗卽位進
太常卿尋進太子少傅謹身殿大學士進工部尙書
宣德中進少傅正統初進少師卒贈太師諡文敏有
默菴雲山小藁靜軒退思等集

四庫總目榮當明全盛之時歷事四朝恩禮始終無間
儒生遭遇可謂至榮故發爲文章具有富貴福澤之
氣應制諸作泯泯雅音其他詩文亦皆雍容平易肖
其爲人雖無深湛幽渺之思縱橫馳驟之才足以震
耀一世而遠邇也有度醕實無疵臺閣之文所由與山
林枯槁者異也與楊士奇同主一代之文柄亦有由
矣

殿閣詞林記永樂八年成祖北征至野狐嶺召學士
胡廣等賦平胡詩楊榮曰聖主尊居四海安天教戎
虜自相殘上甚嘉之未幾諜知本雅失里與其下阿
魯臺讐殺東西奔遁乃召榮諭曰此賊果自殘滅汝
前日之詩安知不爲讖乎榮下馬叩謝上喜命賜羊
酒

翰林記永樂八年上親征次清水源水皆苦鹹不可

飲人馬俱渴改營西北二三里許忽有泉湧出清徹
可愛命楊榮與胡廣往觀遣中官以銀瓶汲取上親
嘗之味甚甘美賜榮等飲訖士馬爭趨之皆給足命
曰神應泉又明日應制撰神應泉詩銘上嘉之各賜
上尊宣德二年三月朔成見榮獻頌上褒賞之三年
扈從北征凱旋進平胡詩凡十篇各立題命意上覽
之喜展沐白金鈔幣之賜
問小紀閩有貧生客京師饑寒濱死頗善丹青不能
售一錢因以兩幅獻楊文敏公榮公題其上而還之
詩云誰家老屋枕溪濱十里青山半是雲此處更無
塵迹到祇應啼鳥隔花聞明日張此畫於市價遂湧
起

平安南頌

於皇太祖統一萬邦普天率土來廷來王歲時貢獻厥儲相
望如彼葵藿心傾太陽赫赫業業端拱而治嘉祥屢臻靈物

畢至文武將相視同一體龍興雲從風行草靡南平江漢北
定朔方中原晏然以耕以桑閩浙蜀越悉歸版章我皇繼統
一遵成憲敬天勤民恭己南面萬里邈遠如覩目前幽側荒
僻無不燭焉蠶茲南夷肆逞悖逆在廷臣庶請加誅殛皇帝
曰吁藐焉狂獠敢肆凶頑自致天討乃命大將旗旐央央鉦
鼓喧鑼師律而賊嗟爾蠻夷最爾土壤蜂蟻之衆狐貉之羣
潛形穴巢孰使狂罔天戈一麾魂褫魄喪帝戒將臣神武不
殺殲厥渠魁下人可活帝戒將臣奮揚威武相其原隰罔入
其阻將臣所至悉諭聖恩振威揚武雷擊電奔逆豎潛伏殲
拔厥根以解倒懸以雪煩寃帝謂將臣爾訪陳氏厥胤伊何
求立續嗣咨詢陪臣曰無餘裔國人盡傷歎歎怨詈帝曰吁

哉惟彼南人雖在蠻貊同乎大鈞棄而弗理禍亂彌臻蕩滌
瑕穢紀綱維新邦之耆老咸詣轅門請置郡邑維屏維藩教
以忠孝俾知彝倫耕食鑿飲同我夏人邦人有言昔荷戈戟
昏迷弗恭妖狐所惑今見王師如拯焚溺輸誠歸向剗硤洗
滌邦人有言聚脯跳踉獬犬所制莫知其方今覲義旗正正
堂堂引拔崖石置之康莊扶攜涕泣指誓天日銷兵歸田裂
幟入室祛其狼暴以儆質實世世臣妾永保甯謐將臣撫循
以寬以勤征夫鼓舞行旅懽忻歸牛休馬喜動風雲凡在戎
行咸預顯融莫不稽首惟皇之功惟皇之功克紹太祖惟皇
之基超軼前古惟皇之德上侔堯禹於萬斯年作民父母

田按西楊亦有平安南詩格義精整東里集人所習
見故捨彼錄此

題王侍誨山水

木落霜氣清秋山淨如洗天空萬籟寂地迴孤雲起深溪湛
寒綠對此清心耳安得掃蒼苔橫琴寫流水

雲山圖爲東里楊公作

雲山何蒼鬱林木鬱而秀繞庭芳草深清禽哢春豔有書可
覽適有田可耕繹因援嶧陽桐一寫邛中奏

題張真人鵠峯清暑圖

鵠峯嵯峨幾千尺屹立江南半空碧仙家正在龍虎山林樾
翛然絕塵迹茅屋俯瞰峯之阿石泉飛洒浸垂蘿向來六月
不知暑空翠滿襟涼氣多道人時把瑤琴理流水高山少知
已問誰載酒泛中流來聽清商聞宮徵我生性嗜山水幽忽

見此圖清興留何當從子問真訣周覽八極尋丹邱

題吳尙書山水圖

青山嵯峨半空立萬疊芙蓉紫煙溼峯前昨夜春雨深繞澗
飛花水流急隔嶼人煙凡幾家一徑蒼苔石磴斜溪迴路細
長芳草月落林幽歸暮鴉山深洞口行人少白雲飛墮青林
表恍見滄洲樹色微如聞古寺鐘聲杳茅檐日出雞犬喧十
里煙光連遠村依稀乍入簷簷谷彷彿自是桃花源乃知畫
者通元理點染天機筆鋒裏尙書愛此欣得之素壁高堂見
山水人間美景不易尋此圖直比雙南金玉堂展卷慕清絕
爽氣蕭蕭風樹林

宋徽宗耕牛圖爲黃福少保之子題

春原過雨春日熙春樹連陰春草肥田家力耕貴及時手挽
牛兮肩負犁草香泉美牛步遲農心汲汲應何爲上恐公家
賦稅虧下慮私門妻子饑吁嗟牛兮胡不知宣和之初能念
茲九重燕暇親寫之騎省一動萬事墮塞草黃沙千載悲

賜遊萬歲山詩

有序

宣德三年三月庚辰上命尙書臣蹇義等十有八人
同遊萬歲山頃之中官傳旨許乘馬及將從者二人
旣入東上北門乘馬及乾甯門下馬步出度橋中官
導引登山周覽復賜登御舟泛太液池賜茶及素羞
十餘品而凡蕩漿持楫者皆中使唱和合律旣而抵
新建園殿地勢奇勝金碧照耀恍若身在蓬萊宮闕

有間上乘馬至慰勞甚周臣等皆叩首稱萬歲上大
喜徘徊久之特召臣士奇臣榮諭以天下無事雖不
可流於安逸而政務之暇命卿等至此以開豁心目
庶幾古人遊豫之樂不在拘檢也臣士奇臣榮叩首
稱謝而退傳諭羣臣方憑檻觀中官輦舟網魚復有
旨人賜御醢玉醅一甌飲復命乘馬遊小山行一里
許上乘馬繼至羣臣勿促將下馬迎特旨勿下諭中
官人賜鈔三千貫從者人三錠且令中官陪至小山
飲饌盡醉而歸駕遂回未半里過池中水鳥羣飛上
親發一矢中一鳥墜馬前諸臣方入小山門遙見中
官持鳥至傳命賜義等炙食之羣臣望闕叩首謝遂

徧遊小山觀二獅子滾毬并觀金龍噴水水簾及山水流觴之處皆雕琢奇異布置神巧莫不稱讚良久乃退坐松柏間享酒饌皆珍奇之品中官相與勸酬甚懼酒未闌人賜鸚鵡一將徹復賜從者酒食皆醉飽而歸及出西安門天已暝抵家更初鼓作羣臣莫不感恩懷德以爲萬世之奇逢翊旦臣義等方相率詣御前稱謝而中官傳旨免謝羣臣不勝惶恐感戴天恩之至臣榮竊以爲君臣相遇自古爲難昔唐太宗之世房玄齡輩十八人得承寵眷時以爲登瀛洲至今相傳以爲盛事臣榮何幸遭際聖明夙夜兢惕深以弗克報稱爲愧伏蒙聖上不以臣榮不肖爲嫌

屢錫寵恩獎諭甚至今復得預斯列恩榮之盛無以
復加敢不勉盡心力以圖効報於萬一乎因不揆蕪
陋謹賦五言律詩十首以述皇上眷待臣下恩禮之
隆以紀羣臣遭際之盛且使後之爲臣者有所勸勉
焉

瓊島宸遊日隨遊切九重天恩許乘騎仙仗從飛龍迤邐雲
霄近汪洋雨露濃詞臣何慶幸千載得遭逢

太液春波煖承恩泛綵舟輕盈蘭棹發蕩漾玉虹流簾影移
宮樹茶香出御甌此中多勝景況是從宸遊

翠嶽開新殿圓花簇玉闌醺醺天上賜仙境御前看浩蕩恩
波潤光榮禮數寬微臣沾聖澤何幸侍金鑾

奉詔隨鸞馭遨遊徧小山風光連禁籞花影覆清澗路繞金宮轉雲隨綵仗還紫駟如掣電倏已度仙關

猛獸來西極低回御苑中爪牙真猛捷毛骨獨奇雄寶樹橫金瑣珠毬結綵茸從容看牽舞還想有虞風

玉淵通泉脈金龍噴雪花崢嶸山骨潤淠淠水簾斜暝色疑飛雨清聲隔綵霞此中塵不到應卽是仙家

水鳥多馴狎偏隨綵仗飛六龍迴御輦一箭落毛衣珍味同霑賜儒冠倍有輝獨慚無寸補遭遇古來稀

松柏清陰滿林間列宴時玉階分御賜仙醴泛金卮翠金駞峯異雕盤鱸縷奇恩同天地濶思報永無涯

珍禽來異域分賜出雕籠稟質生尤異能言類莫同宴遊逢

聖世恩眷自宸衷感激應無極懷思意不窮

四海同熙皞宸遊樂太平綵雲隨御輦瑞日照霓旌
賜賚何稠疊霽承感聖明永言歌帝德千載播鴻名

楊溥 八首

溥字弘濟石首人建文庚辰進士授編修永樂初進
洗馬以事逮繫錦衣衛獄仁宗卽位擢翰林學士進
太常卿宣德中召入內閣典機務遷禮部尙書正統
初進少保武英殿大學士卒贈太師諡文定有文集
十二卷詩四卷

李賢古穰雜錄先生在獄中十餘年家人俱食數絕
糧又上命莫測與死爲鄰愈勵志讀書不輟同難止
之曰勢已如此讀書何爲曰朝聞道夕死可也五經
諸子讀之數回已而得釋晚年遭遇爲聞老大儒朝

廷大制作多出其手實有賴於獄中之功初入鄉試
爲首選胡儼典文衡批其所刊文曰初學小子當退
避三舍老夫亦議一頭地又曰立玉階方寸地必能
爲董子之正言而不效公孫弘之阿曲人以儼爲知
人水東日記楊文定公最善王檢討振張修撰益相見
輒出所作就二人評有所改易卽樂從公亦善改人
文字泰和陳學士當筆誤祭文欲有所易陳忿然不
平見於言色公卽已之
田按世稱西楊文學東楊政事南楊雅操犴獄十年
養晦愈明漢庶人反南楊從征詩云擣槍耀齊分龍
御勤六師出門馳馬去不暇告妻兒親友送我行欲
語難爲辭死生豈不卹國事身以之可謂社稷臣矣
文定集世所罕見余從眞定梁氏購得甄錄較他集
爲多

宣德丙午扈駕巡邊途中感興十首

錄四

營車度重關重關路漫漫兩廂旣充牣四牡何盤桓翹首望
前軌迢迢不可攀任重難爲力臨歧發長歎

策馬登崇岡一覽牕入荒山川限南北華夷有定疆猗歟商
周盛以德爲保障秦隋勤遠略禍亂起蕭牆

前車旣脫輻後車屢徂行幸爾出險道蒸徒發歎聲爲語推
車人戒愼宜有恒不見平路上覆轍方縱橫

同居貴安逸同行共苦辛牽車朝出門長坂沙沒輪前呼後
相應推挽到平津豈徒貴同力尤貴同心人

送歸州太守復任

青年太守好風儀眼底如今更覺稀典郡遙臨巴子國征帆
重過呂公磯茶輪官課秋前足稻種山田火後肥南望鄉關
遙送客歸心應逐塞鴻飛

送鄒侍講仲熙扈駕北行修實錄

紫蓋黃旗出九重
綠楊馳道馬如龍
中原形勝經行舊
太史文章製作雄
仗外金蓮輝夜月
花邊玉珮度春風
封章多是陳民俗
不羨相如一賦工

題玉樹瓊林卷

半簾晴雪草堂春
石鼎清茶趣味眞
誰羨名園桃與李
輕車寶馬逐香塵

送素庵給諫還里

槐陰滴翠滿前除
芸閣涼生暑雨餘
啼鳥數聲清晝永
北窗睡起課兒書

明詩紀事

貴陽陳田輯

乙籤

胡廣 三首

廣字光大吉水人知府子祺子建文庚辰第一人及第更名靖授修撰永樂初直內閣復名廣歷侍講侍讀右庶子翰林學士兼左春坊大學士進文淵閣大學士卒贈禮部尙書諡文穆洪熙初加贈少師有文穆集二十卷

東里集文穆爲文援筆立就頃刻千百言沛然行雲流水之勢賦詩取適性情近體得盛唐之趣工書法行草之妙獨步當世翰林記永樂十八年禮部郎中周訥請封禪大臣有

送周判官致仕

陰主之者學士胡廣獻卻封禪頌上遂止
藝苑危言胡文穆善其行草名不及解大紳而遇過
之北征諸鎮皆其勒石
金陵瑣事大學士胡公廣冬至後六日扈從獵龍山
同塞尚書金諭德遊牛首山佛窟寺詩云曉從鑾輿
出九關偶尋牛首共躋攀南唐古寺留碑在西蜀高
僧度錫還百尺巖龕出鳥上半空鐘鼓隔人間暫遊
已覺塵緣寂到此方知佛窟間注云寺有南唐孫忌
撰碑尚存余因此詩遍尋之山中無此碑
國史唯疑永樂四年集儒臣及修書秀才數十人於
丹墀內同賦白象詩胡廣第一
出按光大詩和平蘊藉西楊稱其近體尚非溢美

送別倒離樽春風白下門煖煙滋柳色新水上潮痕落日迴
孤棹幽居憶舊村獨憐江浦月隨處照黃昏
重陪駕至太液池

玉砌臨無地飛甍上倚天微風斜舞燕高柳沸鳴蟬芳草茸

茸細池荷箇箇圓孰知丹禁裏別有好林泉

翰林記永樂中學士胡廣等七人從上幸北京每介
節燕閒翫駕登萬歲山侍宴廣寒殿泛太液池以爲
常廣等多爲歌詩以記之
田按胡若思和胡學士侍駕遊萬歲山詩云鳳蓋宸
遊日祥雲夾道紅香風傳別殿飛翠繞行宮徑轉干
巖合波迴一鏡空忽看鸞鶴起聲在半天中澗道荷
苔合房櫳繡戶分碧淙晴欲雨錦石暖生雲嘉樹干
尋秀燿蒲九節芬廣寒宮闕近天語半空聞閣道雲
爲幄仙田玉作臺更無凡跡到只有異香來柳拂金
輿度花迎寶扇開太平多樂事扈從得徘徊雨晴山
色好太液煖浮春遊鯉遙吹浪飛花近著人列筵深
寵渥載筆煥絳綸頌繼周南作騶虞詠至仁金文靖
和胡學士春日陪駕遊萬歲山詩云鳳輦遊仙島春
殘花尙濃龍紋蟠玉砌驚語度瑤宮香霧浮高樹祥
雲麗碧空五城雙闕外宛在畫圖中嶽業凌丹闕迢
遙跨紫臺龍香浮日動鳳蓋拂雲來疊嶽參差出層
厓隱映開幽情不可極臨眺重徘徊王希範和胡學
士從遊萬歲山詩云飛旆凌丹壑鳴鑣陟紫臺日邊
雙鳳下雲裏六龍來寶殿臨空敞瑤筵就水開共誇
青鎖客陪宴柏梁回梁用之和胡學士從駕幸萬壽

山詩云春樹如雲
綠春勝錦紅晴波
融太液旭景
和瑤宮鶴馭移丹
禁鸞旂拂紫空輦
前歌吹發轡入
翠微中玉泉凝石
髓金粉落松花蓬
島行應近丹邱
去不賒宸遊乘淑
氣物色媚韶華還
道相如渴傳宣
亦賜茶憩輦餘芳
趣流觴愛晚春圓
荷剛出水細草
欲薰人鳥過時衝
仗魚遊不避綸君
王多樂事及物
在深仁珊瑚交密
樹翡翠錯疎篁眠
廚晴薰日馴禽
潔似霜雲窗飄桂
子風柳鎖芝房回
輦經行處還憐
眼色蒼錄光大
詩並附於此

送江仲隆

十年清宦住京畿
白髮蕭蕭老布衣
鄉里交遊前輩在
關河離別故人稀
官橋細柳藏新雨
水驛輕帆背夕暉
我有愁懷何處寫
秋來目望雁南飛

胡儼 七首

儼字若思新淦人
僑寓南陽洪武丁卯舉人授華亭

教諭改長垣求便地復改餘干建文初遷桐城知縣
永樂初授檢討入直文淵閣歷侍讀左春坊諭德改
國子祭酒兼翰林侍講掌院事洪熙改元以疾乞休
進太子賓客仍兼祭酒致仕宣德初以禮部侍郎召
辭歸有頤菴集三十卷

四庫總目嚴詩頗近西江一派詞旨高邁寄託深遠與
三楊之和平安雅者氣象稍殊

翰林記太宗朝內閣七人者在館閣相與倡和有直
閣卽事諸詩侍講胡儼嘗有句云清曉朝回秘閣中
坐看宮樹露華濃綠窗朱戶圖書滿人在蓬萊第一

畫史會要若思以水墨禿筆寫羊鹿甚生動亦能竹

石蘭蕙

夢蕉詩話胡頤菴以文學鳴世洪武間爲東宮侍講
官入永樂爲國子祭酒常就學舍謁文山祠有詩末
云南歸慷慨勤王日北上從容就死時千載英風動
毛髮黃鸝碧草不勝思子謂頤菴之句佳矣特所謂

思之一字恐未也正學子甯二公與先生舊為同官
地下修文處相見當不免話及往事
田按賓客詩詞格軒爽較勝是菴惟大篇不耐多吟
顧菴集末附詩話數則述虞伯生寫顏軒膝王閣等
詩多在朝奏歸田藁所未載者大興翁覃溪閣學
虞文靖集搜羅頗富於滕王閣詩僅錄二首蓋未見
斯集也李文正薤堂詩話云胡文穆公集載虞伯
生三詩今檢文穆集無此詩文穆別號晃菴無潛菴
之號蓋偶誤記也賓客於永樂王午遷侍讀甲申遷
論德見楊文定所著墓神史稱直文淵閣遷侍講進
左庶子與碑不合偶未檢耳

短歌行

前有尊酒揚眉浩歌少壯不樂老當奈何瞻彼芳樹灼灼其
華清颯颯至落葉辭柯蜉蝣朝飛蠅蚋夕悲空江鴻賓遙海
燕歸錦席高張嘉賓滿堂朱絲玉柱汎羽流觴翳翳昧谷蕤
駁已促為歡未終更當秉燭

驟暑

端居適煩煥策杖散幽襟逍遙池上行愛此嘉樹林游鱗泳
微波黃鳥遺好音遙睇高原綠欣然偕夙心疏雨忽飄灑淅
雲生夕陰坐來屏明燭空對窗間琴陶然卽枕席焉知古與
今

舟中雜咏

路逐淮南去人從薊北回青山看漸近白鳥過還來候吏依
沙立江帆背月開誰家煙霧裏風笛弄清哀

過赤壁

一棹空明派碧潏遙看赤壁聳江皋開樽晚對青蘋雨倚劍
秋生白苧袍夏口東邊山月小武昌西上楚雲高醉來直欲

騎黃鶴接迹飛仙萬里遙

槐陰草堂詩

雨後高槐初著花綠陰門巷靜無譁
窗前亭午頻聞鵲墻角新晴偶見蛙
十載優閒兼侍從數椽質樸似山家
清風一室無人到紗帽籠頭自煮茶

寄張子儉

貝葉書成積滿函茶瓜留客共清談
幾回淨掃鵝溪絹綠小清山興更酣

雙溪流水

一逕綠陰清杳杳雙溪流水碧迢迢
如何畫得溪中景花映青山柳映橋

金幼孜 六首

幼孜名善以字行新淦人建文己卯舉人授戶科給事中永樂初改翰林檢討入直文淵閣歷侍講右諭德學士進文淵閣大學士洪熙初拜戶部侍郎加太子少保兼武英殿大學士進禮部尙書宣德中卒贈少保謚文靖有集十二卷

顧菴集金諭德北征詩詞雄句傑遠揚天聲如金鐘大鏞震乎寥廓之外田按文靖與楊文敏胡文穆在成祖時最爲親幸征伐巡幸嘗在左右有句云御前視草冰生硯帳下題詩雪滿種又云近苑獵回猶賜饌行宮朝罷更題詩文臣榮遇於斯極矣

送熊元節還南京

熊君負經術早歲登青雲素承明主知超擢中朝臣繼聞陟

大理奉命專諮詢風聲振吳越次第甦疲民鋤奸去豪猾剗
凶格頑嚚遂令東南郡皞皞被皇仁聖情日虛伋屢勅嘉勞
勤三載積憂懼馳情懸紫宸及茲奏對日款慰尤諄諄申命
職憲紀榮光動朝紳南臺旣專任委寄真殊倫繡衣明白日
清霜肅陽春豈惟戢貪墨實以繩繆愆況聞澄清地表率由
一身惟君秉直諒操履端且純屹然重時望所至揚清芬蹇
予忝朝列交誼夙所敦睽違渺南北夢寢勞心神幸茲諸盡
簪晤對逾難旬忽聞別我去惻惻難爲言驪駒發前路遙瞻
動芳塵衣冠擁廣陌絲管一何繁握手且未辭盡此黃金尊
人生會合間百歲若轉輪勉圖報稱致身在君親永懷保
終譽景仰希前聞廬陵多達士至今耀斯文忠節著宇宙千

盡垂不泯勗哉踐古道永矢期勿諉

爲王侍講時彥題秋意圖

長天帶遠景絕島含秋意
橋響客時過竹深門獨閉
蒼煙迴蕭瑟落日生迢遞
回首大江西故山何處是

春日隨駕北征次清河

萬乘統元戎鳴鑾出九重
煖塵生輦路晴雪照行宮
旗影西山外笳聲落照中
書生懷脫略須敵萬夫雄

雲山草堂爲楊庶子賦

聞道幽居近翠微好山多與白雲齊
柳堂日煖花爭發門巷春深鳥自啼
酒醒每從松下坐詩成間向竹邊題
一從射策金門去風雨年年夢建溪

賦赤壁贈蕭長史用導之靖江

大江東去碧溶溶水淨沙平接遠空月下勝遊非舊日眼中
遺迹感英雄猿啼斷岸孤帆雨鶴唳滄州一笛風料想登臨
無限意題詩還憶訪坡翁

晚出長安門偶成

白髮毵毵老從官籃輿自便懶登鞍京華久住交遊少惟有
西山耐久看

夏原吉一首

原吉字維禔湘陰人以鄉薦入太學授戶部主事坐
事繫獄仁宗立復官進少保兼太子少傅宣德五年
卒贈太師諡忠靖有集六卷

四庫總目原吉以政事著不以文章著然致用之言疏
通暢達猶有酷實之遺風
田按忠靖詩懋質有味論饑烏云饑烏來屋頭軒然
振雙翼啞啞向我啼其意欲得食我行顧我府餘饒
頗云積足可瘞烏饑盡與非所惜緣以目前人困乏
動千億況此所餘餓粒粒出民力我食尙懷愧何烏
甯不惕饑烏勿此啼山林
有橡栗藟然德人之言也

小江垂釣

小江江水綠如酒兩岸春風舞垂柳老漁落魄一事無三尺
綸竿長在手有時釣得縮項鰻隨緣沽酒快餘年不圖星辰
動天闕醉來卽藉羊裘眠

黃淮一首

淮字宗豫永嘉人洪武丁丑進士除中書舍人成祖
卽位入直文淵閣改翰林編修歷侍讀左庶子進右

春坊大學士以事下詔獄十年仁宗卽位復官入內
閣進通政使兼武英殿大學士復進少保戶部尙書
宣德初以疾乞休正統中卒諡文簡有省愆退直入
覲歸田等集

四庫總目淮文章容安雅與三楊體格畧同集以省
愆爲名當患難幽憂之日和平溫厚無所怨尤可謂
不失風人之旨

翰林記宣德初大學士黃淮乞骸骨不許因請始令
歸田養疾賜楮銀萬貫陞辭加賜萬貫旣歸遂乞致
仕丁外艱賜祭葬以一品禮淮入謝賜遊西苑召淮
之子采從行且特命乘肩輿登萬歲山賜宴於山之
麓淮獻詩謝上悅比辭宴餞於太液池親灑宸翰製
詩送之給路費賜織金紗衣一襲且諭之曰明年朕
生日卿其復來如期至上留之數月乃辭歸去

懷院中竹寄楊學士士奇

一別詞垣數月餘娟娟修竹近何如夢回還想林間醉詩就

誰從節下書翠色凝煙春院寂清陰籠月夜窗虛料得同袍
能愛護平安莫遣信音疏

翰林記學士黃淮有憶院中竹詩楊士奇學士詩今
公署無竹蓋南京舊院也

黃福一首

福字如錫昌邑人洪武中以太學生授金吾前衛經歷上書言事超拜工部侍郎永樂初進尚書改北京行部尚書坐事下獄謫充爲事官未幾復職安南平以尚書掌布政按察二司事仁宗卽位召還兼詹事宣德初仍以尚書領交趾二司事爲賊所執旋送出境還爲行在工部尚書改戶部又改南戶部兼掌兵部正統初加少保參贊南京守備機務卒官成化初

贈太保諡忠宣有集十三卷

送人回廣西

海口春光早沙頭柳色新滿斟交趾酒遠送桂林人

嚴震直一首

震直名子敏以字行烏程人洪武末以糧長授通政
司參議再遷工部侍郎進尙書改右都御史尋復爲
工部尙書致仕成祖卽位以故官巡視山西至澤州
病卒有遺興集

靜志居詩話尙書由選糧萬石長舉爲布政司參議
未之官留署通政司事歷工部尙書洪武三十一年
春致事建文元年己卯復以年老辭不與事帝念其
任事久留住京師考選興集中有謙集賜第之葵心
堂詩乃是年三月十五日事分韻者爲董學士倫茹
尙書瑞高太常遜志任尙書亨泰程都御史本立李

尚書至剛鄭庶子濟黃侍郎福張尚書統高經厯德
賜凡十有一人太常詩云偉哉尚書公致仕鳴珂里
第居京洛侍郎詩云空居廟堂憂國類如絲挂冠
神武門賜第留京師厯厯可證而續藏書謂尚書歸
老在里長陵以兩馬夾袋昇至京致身錄又稱靖難
兵起時督餉山東皆哀也報攷文皇帝實錄王午七
月二十三日常詔云朕居藩邸凡百姓艱苦靡不知之
數年來兵興北方之民疲勞尤甚朕所舉議者為宗
社生民計今宗社既安而北方之民未安朕夙夜不
安乃命薛正言等分往山東陝西等布政司巡
視民瘼何弊當革何利當建速具奏來尚書受詔往
山西是秋九月十七日病卒於澤州公廟合之忠誠
伯茹瑞所撰嚴公神道碑無異初不聞奉長陵密詔
往雲南訪建文帝也吾學編遜國表忠臣之首萬歷
何所據信吞金為實列尚書為後死忠臣之首萬歷
十九年巡按御史黃鍾疏請建祠榜曰旌忠列在祀
典越數十年其裔孫祚字文昭作祠祀辨大指謂吾
祖功業炳耀史冊何藉吞金一死以罔天下後世黃
公欲顯吾祖適足以誣吾祖也隱文昭不欲誣其祖
可謂賢子孫矣

田按尙書事蹟竹垞詩話考據極詳詩綜錄尙書詩
於洪武諸臣之列義仍未允今遵明史列於永樂諸
臣之次

過李白祠

采石江邊太白祠行人長說舊題詩
收陽別後無消息落月空梁入夢思

張統一首

統字昭季富平人洪武中舉明經爲東宮侍書累遷
試左通政出爲雲南左參政遷左布政使建文初召
爲吏部尙書成祖卽位咎建文時改官制者令解職
月給半俸自經死有鷗菴集一卷

田按尙書官滇有惠政治行爲天下第一史稱朝士
董倫王景龍謫滇統接以禮意余檢張適滇池集有

尚書山行晚歸詩云飛蓋追隨攜酒去狂華嬉笑折
花歸令適續成之頗稱好事不僅以吏事見長也尚
書之死鄭端簡吾學編黃泰泉革除遺事尹直嘗齋
瑣綴錄等書皆列於建文死事之臣今檢明史成祖
入京師錄中朝姦臣二十九人統與馮以茹瑄言宥
仍故職無何帝臨朝而嘆咎建文時之改官制者乃
令統解職務懼自經死古稱死有重於泰山死有輕
於鴻毛者其尙書之謂歟

登太華寺

連日登山意未闌今朝又宿白雲間簾幃寂寂香初爇星斗
垂垂手可攀竹葉煮湯消夜渴杏花留雨作春寒碧雞且莫
啼清曉一枕華胥睡正安

李至剛一首

至剛名綱以字行松江華亭人洪武中舉明經授禮
部郎中坐事成邊召爲工部郎中遷河南右參議建

文中調湖廣左參議永樂初以薦授右通政進禮部
尚書兼左春坊大學士降禮部郎中以事繫獄十餘
年仁宗卽位釋爲左通政尋出爲興化知府
田按至剛楊廉夫弟子詩情不多見

獄麓懷朱張

我謁朱張談道處高明亭向湘江開萬山香氣松桂合半夜
秋聲風雨來白雲封蔽蟒蛇洞碧澗響近赫曦臺古迹宛然
在我目乘興題詩鐫石苔

劉季篴一首

季篴名韶以字行餘姚人洪武甲戌進士除行人擢
陝西參政建文中召爲刑部侍郎永樂初坐事下獄

尋以儒服隸翰林編纂授工部主事

樂靜爲謝庭循賦

至理本虛寂真源抱冲素若人事幽討貞心隨所寓離家雁
岩雲聽鶯上林樹朝陽射筆劄清風生禁籞得意偶自適立
靜復誰語鄉心越上山詩夢青原句幽禽唳翠岑岩花拉朝
露欲結靜中鄰山深雲碧處

葉砥一首

砥字履道上虞人洪武辛亥進士除定襄縣丞坐累
謫涼州建文初以薦授翰林編修出爲廣西按察僉
事永樂初以史事被逮尋起爲吏部郎中改饒州知
府有芝山退朝盤坡溪居等集

雨窗雜寫

僦屋西溪溪水西
避喧暫爾託幽棲
人家茶竈烟生竹
野店酒帘風滿隄
花片減春隨雨落
鳥聲拂曙隔林啼
輞川曾記王維畫
錦里慚無杜老題

姚友直一首

友直字口口蕭山人
洪武口口進士授中書舍人改
翰林侍書永樂初進洗馬左春坊左庶子出爲雲南
參政領滕府長史事宣德初召爲太常卿

鎮江舟中食魚

金陵城中住七月
客居無地憐彈鋏
扁舟九月出城東
大江秋水如白虹
楊帆南下一千里
江上人家漁作市
大魚頭尾

枕
長過人壩頭香歷梨花春魚賤可食酒可飲萬事盡付邯鄲

應謬一首

謬字尙節黃巖人建文己卯舉人永樂中用薦爲谷
府教授坐事免

綠陰清畫圖爲桂衡先生賦

湘水東偏灌木稠小齋新築擅清幽繁陰匝地不知午涼氣
襲人渾似秋風度每驚蒼雪隄日移時訝碧雲流何時寫向
丹青裏拂拭令人憶故邱

周宗璉一首

宗璉字景琰臨海人洪武中以貢授禮部主事永樂

初出爲興化知府

田按景琰守興化有惠政郡中名勝多留題詠

囊山寺

巨崖忽墜清溪潄
巖然上擁深樹林
地險久無斤斧入
生自何年傳至今
山中怪奇不可數
似與人間異風土
古根寒漱百道泉
鐵幹高排九秋雨
金風昨夜吹扁舟
有客不歸心悠悠
喚童解衣換美酒
晚來獨酌溪上樓
隔溪野火明復沒
老僧囊頭堅不出
若人豈是知禪宗
美爾平生有仙骨
我生於世無所求
閒來便作山門遊
山中猿鶴不相訝
水飲巖栖終白頭

明詩紀事

貴陽陳田輯

乙籤

陳璉 十首

璉字廷器東莞人洪武丁卯舉人除桂林教授遷國子助教永樂初知許州改滁州尋以揚州知府攝州事擢四川按察使入爲南通政使掌國子監事終禮部侍郎有琴軒稿三十卷

抑菴集陳公文詞典重人愛之如拱璧

梁崇善廣東詩粹黃才伯云琴軒當永樂初鋪張朝廷盛德爲平安南巡狩平羌三頌及饒歌鼓吹曲十二首以獻文皇覽之大加稱異以滁州守超擢西蜀憲使文人遇主之隆論者以此相如奏賦殆有過之云

屈大均廣東新語明興東莞有鳳臺南園二詩社其詩頗得源流之正琴軒陳公嘗錄自宋元以至國初為保安詩錄田按侍郎詩詞格俱精天然秀拔

楊白花

楊白花隨風飛去落誰家美人沈思抱幽怨連臂踏歌情戀戀江南江北春茫茫何不仍飛歸洛陽

白紵詞

舞白鳬歌白紵纖腰皓齒東隣女清聲裊雲情縷縷郢中白雪何足數涼風蕭蕭雁南翔玉顏滿堂樂未央此舞此歌那可忘

遊惠山

泛舟過梁溪芙蓉水初冷折芳渡遙洲訪竹緣修吟飄然陟

崇岡遠目時一騁川原入遐矚一一意先領虛絕度松聲陰
崖落雲影秋草荒厯山露葉垂舜井湛陸宅久墟榛翳道全
梗訪古情彌切懷賢意方永下尋漪澗壑因訪招提境埽地
焚名香汲泉試新茗頓覺心源清豈徒夢務屏重期望太湖
飛步登絕頂

瑯琊古剎

開化古蘭若乃在瑯琊山樓閣倚霄漢丹碧炫巖巒鐘聲度
幽壑幡影落空潭昔聞琛粲翁巢居白雲端折葵事清齋煮
苓供晚餐冥坐悟禪寂不知芳歲闌

遊瑯琊開化寺二首

環滁皆名山瑯琊擅幽勝雲霞紛卷舒泉石互相映維時春

戰陽日出天宇靜
禪宮凌紫霄
虛壑度鐘磬
逍遙者誰子
抱琴候蘿逕
相逢共忘言
頗領此時興

茲山信靈異
地勢復高爽
清風韻金鐸
晴日麗銀榜
鶴歸幽林動
魚躍寒潭響
娟娟紫蘭秀
皦皦玉芝長
尙羊極幽討
足愜平生想
抽思託素毫
方期重來賞

斐溪夜雨

斐溪浩瀰漫
萬頃同一色
新漲涵綠莎
寒光浸苔石
浮雲結暝陰
倏覺溪水黑
入夜風雨來
蕭騷聲轉急
斐歌淒以斷
漁唱坐來寂
劉金宅久荒
空滋土花碧

六月五日致齋龍潭精舍

鹽湫湛泓渟
神宮極虛敞
下有龍所棲
雲氣日來往
疏林過

新雨臺榭脩清爽山色晴更幽泉聲靜逾響徘徊縱良覲足
愜平生想安得長此居坐看玉芝長

會同館對雪

新陽力猶微陰氣尙鬱結昨宵風雨來吹作瑤空雪芳姿飛
玉塵虛簷落冰屑軒墀肅且靜對此更奇絕寒光耀文窗素
色映華棧錦帳璵璠溫醉面生綺纈每念沙場人衿裯冷似
鐵

多景樓

獨倚闌干久涼風滿客衣樹從京口斷山到海門稀雁影橫
秋色蟬聲送夕暉燕城纔咫尺樓堞望中微

錢仲益六首

仲益名允升以字行無錫人元末中浙江鄉試爲杭州路錄事洪武末舉明經爲本縣訓導建文中以薦入爲太常博士遷翰林修撰永樂初改漢府長史有錦樹山人集八卷

都穆談纂無錫錢仲益洪武末爲本縣訓導後以御史薦入爲太常博士與修高帝實錄升爲翰林修撰卒於漢府長史後漢府謀叛事敗帝閱其啟大加賞嘆其家得免於難

盛明百家詩錦樹兼善寫生所題圖畫人以左手字跡驗之

田按詩綜稱仲益爲周府長史余檢錦樹山人集有奉令作戰馬歌云王師奉天命南征下江淮乘之大小七十戰南衆望風先已摧屹然當陣如立壁猛氣凌空勢無敵仰天奮迅時一鳴萬馬震驚皆辟易曾著六矢不動身其鋒銳若雷將軍又有奉令作大將軍八而威風歌云身居玉帳臨三軍牙旗雙立開轅門周圍森擁百萬甲劍氣射落秋空雲考明史成祖起兵漢王高煦從常爲軍鋒成祖屢瀕於危轉敗爲

功者高煦力爲多正與仲益奉令所作詩意合周王
構成祖起兵時已爲建文帝銅之京師安得有奉命
南征事也後又檢都公談纂得所謂仲益卒於漢府
長史者與余言合益信竹垞周府之說非其實也仲
益身事驕王必有如古所謂以詩三百篇諫者一時
賢傳所常表章其事以補史闕其詩風格老成在三
華中當爲巨擘仲益有奕棋詩云我老無所好所好
惟奕棋每遇對手時竟夕不告疲不惟忘憂樂甯復
知飽饑方當得意候如病逢良醫又如好飲人妙趣
祇自知仲益待詔禁垣時成祖呼爲棋仙此亦翰苑
一段佳話也

爲王紀善賦獨秀山房歌

樊川自昔佳山水一峰獨秀空中起亭亭削出碧芙蓉影落
太湖三百里金堂玉室閼洞天茲地往往生才賢山川清氣
有鍾屬豈獨幽勝儲靈仙樊川高士王夫子結屋深棲白雲
裏雨晴嵐氣滴硯池日煖松陰流斐几棲遲泉石卧煙霞百

年詩禮猶傳家行人錯認武陵道春風夾岸開桃花前年徵
書催赴闕勅輔親藩事朝謁相隨五載到京華祇有山房舊
時月丈夫出處各有時故山猿鶴何由知讀書致用在明世
山靈莫誦鍾山移

送孟用賓服闋赴京

太湖五月南風起高浪駕天三百里孟侯詞翰捲波濤浩瀚
汪洋勢相比君侯自是忠孝家垂勛史冊生光華前朝賜書
今尙在故老往往能傳誇湖州府君耽隱計結屋西山官早
棄我爲兒時常拜之父祖通家已三世後經喪亂兵燹餘踪
迹竄走無甯居爾翁起家贊分閭磨墨盾鼻揮軍書我客山
陰偶相接舊約新知兩相愜酒船看盡鏡湖花雨床聽落稽

山葉此時君家在吳下世故紛紛若奔馬向來俛仰二十年
感念存亡淚成把大明撫運開文明搜羅俊良濟治平寸長
小善率見錄詎使草野遺賢英君抱瓊才負奇氣妙年卓犖
青雲器未容濁水掩摩尼終見天池產騏驎薦書諸舜遠九
重翻然獻賦蓬萊宮朝陽初升海色動獨有孤鳳鳴梧桐紫
皇裁戔坐南面臚傳遠下麒麟殿曉隨龍仗拜楓宸夕綰魚
符宰花縣三年奏績功最優風行百里如傳郵進登王官佐
藩邸坐令曹府生清秋應教金闕侍立室責難陳善操直筆
才欺梁客兔園詞道黜淮南鴻寶得前年辭官出國門執喪
暫住陳家村我從南歸始相見知君乃是湖州孫共談當年
結交意出處不同榮辱異我甘衰謝君壯年不使形骸隔心

志今年制服當告終鶴書催上浮雲驄州家申名選家擬鴻
毛一舉隨天風我昔蒙恩忝微祿孤忠未展身先覆十生九
死許還鄉甘旨家貧常不足送君去去何當還手攀落木捫
天關丈夫雖云四方志依然離別傷心顏我困泥途已頭白
君上雲霄生羽翮莫辭執手尙躊躇從此雲泥兩相隔

丁亥除夜懷黃生

絕域投荒客窮陰欲雪天今宵又除夕何日是歸年孤燭三
更夢空江萬里船老懷甯再見撫景一潸然

賦得七星岩送曾侍讀使安南

岩在肇慶府
端溪出硯處

迢遞交州路風流翰府人詔頒金殿曉香散玉堂春疏爵綬
遐壤論才選近臣慶逢千載會化浹萬方民捧冊嚴將命乘

槎遠問津周行馳驛騎法象動秋旻使節過南海鄉心望北
辰擬投岩下硯那受藥中珍文采昭雲漢聲華動摺紳帽花
珠孔雀衣飾錦麒麟重譯宣天語諸蕃感帝仁龍杓回指日
歸奏觀楓宸

和王孟端韻

蕭蕭兩鬢點吳霜老去思歸客夢長只有九龍山上月夜深
來照讀書堂

畫竹

湘波迢遞楚雲凝欲寫幽懷寄刻藤憶在玉堂同夜直滿簾
霜影對秋燈

鄒緝一首

輯字仲熙吉水人建文庚辰進士除星子訓導永樂

初遷翰林檢討進左春坊左庶子有素菴集

殿閣詞林記永樂十三年六月親征瓦剌于撒里怯
又北之于土刺河八月駕還庶子鄒緝獻清邊頌
書史會要鄒緝自
獻素菴精楷書

翰林院齋宿聽琴詩

禁直夜迢遞齋居澹無爲同心事來集良友具在茲惟言適
嘉會秉燭坐彈基華月照虛牖微風動綺幃上客發幽興援
琴揮素絲一彈孤鶴舞再鼓心神怡清商旣激烈雅調亦舒
遲秋鴻唳遠空猗蘭芳葳蕤俯仰極餘韻遐與高山期燕賞
亦云洽傾耳遂忘疲沈吟永終夕逍遙起遐思仰觀庭戶間
爛然明星垂旭景不知曙永言歌此辭

墨綠染觀王秋齋宿聽琴圖白紙本中挂幅長三尺
 七寸九分闊一尺四寸八分中心四週烏絲界一方
 欄徑九寸內水墨寫虛堂煙月翦燭鳴琴其松竹坡
 石筆墨蒼潤秀逸為孟端佳作左下押孟端王氏白
 文印烏絲欄外右下角自題五言長詩一首款無錫
 王孟端下押九龍山中道士孟端二白文印紙首上
 一段畫烏絲界行鄰組撰序楷書精工前書翰林院
 齋宿聽琴詩序其致齋三永樂三年春正月丁未將
 祀南郊誓戒羣臣致齋三日百官既受誓各就宿別
 館於是侍讀曾公日章修撰錢公仲益徐公孟昭檢
 討蘇公伯厚沈公民則暨無錫王公孟端與子凡七
 人皆會宿於翰林之公署於時天宇澄霽月色清朗
 諸君子相與秉燭坐於公署之東偏或奕棋或賦詩
 或談說古今辨論人物品賢否得失亦雜然而舉然
 皆以為此雖君子之品樂而未足以極一時之歡也
 沈公故為雲間人善鼓琴其傳得之於其郡人劉仲
 禮前數年間仲禮以善琴聞當時沈公蓋得其妙因
 請鼓之沈公欣然就坐為作商調數引舒徐安適疏
 越和暢其清古淡泊若有三代之遺音其清厲也坐
 之思若孤鶴宵唳高崖鳴泉而餘音鏘然震發也坐
 者聽之莫不為之心暢神怡有不知夫邪慢之氣之
 去其體者然後知琴之為妙不特可以為君子之臣

樂而又足以蕩滌人之私慮也此古之君子所以無
故琴瑟不去於前歟昔三代學者於詩書六藝之教
以樂爲治心養性成德之本未嘗一日舍之而不習
故其息焉遊焉之際必取適於琴瑟之間所以和悅
其心志動盪其精神且以是爲文武張弛之道則琴
之爲用固非苟悅其音聲之謂也今諸君子彼爲斯
會而樂其心於是琴豈非幸之至者歟夫君子會而
能樂者既難樂而得其所以樂者又難琴雖予未有
暇學而心竊好之況又爲諸君子之所欲者乎乃
相與分韻賦詩以記述其事且要孟端爲之圖而子
偕序其端云翰林侍講承直郎廬陵鄒緝撰下押范
陽世家鄒緝仲熙印二印皆白文前首有尙友齋白
文小長印下有幼襲白文小方印又燕山曾日章番
陽徐旭錫山錢仲益三人排書各五言長詩一首曾
錢二人皆端楷徐旭蔡書俱佳畫右鄒緝又楷書題
五言長詩一首款廬陵鄒緝畫左烏絲欄蘇伯厚楷
書題五言長詩一首款建安蘇伯厚下曾榮題七言
長詩一首楷書類宋克款江西曾榮又廬陵周孟簡
沈度五言長詩各一首周書行楷沈書隸古諸題皆
有印章因其緒多未及全錄
石渠隨筆王微齋聽宿琴圖軸畫七人雜坐秉燭橫
琴庭軒月色掩映竹樹此譜永樂三年正月南郊諸

公齋宿翰林院者侍讀曾日章修撰錢仲益徐孟昭
檢討蘇伯厚沈民則王孟端鄒仲熙共七人鄒仲熙
作詩序彈琴者爲沈民則幅內諸人皆題詩惟民則
無詩其不在圖內而題詩者又有永豐曾榮吉水周
孟簡二人此可補一則翰林典故也
田按安氏墨緣集觀所紀與石渠隨華小有不同考
明人倡和圖凡在列者家有一軸此齋宿聽琴圖人
間合有數軸詳略不同不足怪也恭讀高宗純皇
帝文集安氏書畫乾隆年間多入內府此軸當別是
一木今將諸公詩可考者並錄於此蘇伯厚詩云玉
署宿齋居盡著諸素約坐中有鳴琴宮商時問作波
澄楚江秋露下九皋鶴流泉響幽澗鐘起寥廓維
時雨初霽微月映疏箔鑑蕭輕煙裊燭花紅燼落
風送餘寒夜久覺衣溥清談雜今古亦足資一嘆
對竟忘眠更取茶甌飲雞鳴整朝冠晨鐘動高閣
仲益詩云聖皇重郊祀開戒恒兢兢齋宿玉堂署共
集金蘭朋談柄方瑩班焚煌燦華燈今夕復何夕
此瀛洲登聽鼓綠綺琴拂拭朱絲繩初如鳴鳳鳴
颺日初昇又如幽欄泉冷瀉春冰杳渺不可狀掩
抑情何勝虞歌悵既遠襄教亦莫徵知音無高士
調沈廣陵琴瑟太古昔千載誰復能若人抱奇才
譽所誣下指發妙意於何得師承況今文明運禮

樂方當興以茲絃歌化至和庶其疑嗟子臨老大世
紛非所屬忽聞陽春曲坐使煩襟澄于時春風微夜
寒襲青綾曲罷殘月落餘暉轉觚棱分題紀佳會用
以書刻藤

王璉十首

璉字汝玉後以字行長洲人立中子洪武中舉浙江
鄉試以薦攝府學教授改應天訓導永樂初擢翰林
五經博士遷右贊善坐事當戍邊有之除翰林典籍
進左贊善坐解縉累下獄死洪熙初追贈太子賓客
諡文靖有青城山人集八卷

四庫總目璉詩音節色澤皆合古格

姑蘇志汝玉贊與學士解縉應制撰神龜賦汝玉第
一名大振為文兼古今體製而賦尤瞻麗詩語雋永
得唐人風格
畫史會要王汝玉能畫亦能書
田按長陵與解大紳評論人才大紳稱汝玉文翰不

易得信非虛語汝玉詩沐景頤錄入
滄海遺珠豈洪武間亦嘗遊滇耶

秋夜懷沈秀才

螢栖衰葦寒月斂疏蘿
眠羈懷悄無權卧背風
燈影露冷葉聲翻更深
人語定欲取孤桐彈惆
悵誰能聽

送別

綠水灩汀洲風起江南
秋煙波有孤客關河生
遠愁遠愁那足說惜此
芳草歇日暮猶忘歸蘋
花悵難擷

爲朱仲昂題薛澹園竹

我家昔住吳山麓
遶屋曾栽萬竿竹
如今見畫卻題詩
憶在山中春雨時
暮雲作團飛不起
空翠滿衣秋欲洗
何當重埽石床眠
一任露華涼似水

題畫

疏煙帶平野閒花落空林雞聲在何許人家春樹陰將尋邱
中侶諧此塵外心幽期儻云遂甯惜露沾襟

答山中見示韻

鶯歇江鄉杜宇悲故人西望久乖離夢因春盡歸常切書爲
山深寄每遲疏雨林邊尋古碣夕陽嶺下謁叢祠匆匆已負
瑤華約別有西風桂子期

雲林畫

羣樹葉初下千山雲未收空齋門不掩禁得幾多秋

林塘佳趣

白脫荷衣別五湖秋風幾度惜尊鱸玉堂酒醒青綾薄空憶

林塘舊釣徒

題倪元鎮畫荆溪清遠圖

銅官山下縱清遊，每爲殍松十日留。
吹斷玉簫人去久，暮雲空鎖洞庭秋。

山行

蘿薦陰中是幾家，青山數轉到門斜。
桃源祇在雞聲裏，不用緣溪認落花。

題畫

渡頭初唱采菱歌，南浦西風漲綠波。
正是晚涼新雨後，青山不似白雲多。

王洪二首

洪字希範仁和人洪武丁丑進士授行人永樂初擢吏科給事中改翰林檢討歷修撰侍講左遷禮部主

事有穀齋集八卷

四庫總目洪預修國史會大臣欲城其家瑞異入目歷中洪持不可至聞於成祖前坐謫禮部主事曾榮輓洪詩所謂玉堂分職見孤忠卽指是事穀齋集文皆樸雅駢儼亦工詩尤具有唐格田按修永樂大典時諸儒羣集有凡例未當者王孟揚曰譬之欲構層樓華屋乃計工於箍桶都料得不有誤耶孟揚矜已凌人如此願折節於希範不敢與雁行希範與汝王孟揚達善同以詩鳴號爲翰林四王其左遷禮部主事也或謂與胡文穆議五星不合遂爲所擠與四庫提要所紀稍有不合

送金生歸江南

朔雲千萬里歸興復如何鴻雁雨中去薜蘿霜後多人煙投遠戍驛路出長河惆悵東橋別涼風起暮波

舟行雜興

曠野杳無際孤舟齊魯間
河流東下險天氣北來寒
古道蒼煙迴長亭落照間
微茫雲水外一點見梁山

王達

三首

達字達善無錫人洪武中舉明經爲大同訓導以薦
遷國子助教永樂初擢翰林編修遷侍讀學士有問
津南歸天游梅花百詠等集

田按學士七絕風骨成制殊堪矜賞

題瓶梅

孤山堂下玉層層幾度尋君策瘦藤
折得一枝香滿榻半窗斜月帶殘冰

題倪元鎮畫和鄭明德韻

土苔凝綠上松根前輩空留翰墨存
寂寞雲林堂下路一峯殘雨映孤村

初夏題孟叔敬先生隱居

鶴鳴風起竹颼颼細簾平鋪翠欲流
五月浩然亭上坐一簾涼雨梓花秋

王景三首

景字景彰以字行松陽人洪武壬子舉人授懷遠教諭擢開州知州累官山西參政以事謫雲南建文初召入翰林用薦除禮部侍郎兼侍講成祖卽位進學士

田按景彰洪武中以浙江布政使安然薦直翰林製
藩王朝覲儀改賜日本書作樂章與京城鐘鼓樓記
黃才伯翰林記但述永樂元年詔侍臣議作樂章學
士王景等擬述以開知其一不知其二矣景彰謫雲
南休景顯錄其詩入滄海遺珠玩其所作亦當時才
士也所擬樂章已具錄首卷

題江南秋晚圖

十年不踏錢塘路江上晴煙渺輕素并刀誰翦秋半簾夕陽
正在西陵樹對之便欲發浩歌西風蕭蕭水增波胥濤已入
亂山去木落臺空幽思多

新春偶成

南來憔悴溟陽客每向年光感去留萬里歸心背殘臘五更
清夢落神州刺桐花發東風早垂柳條長宿雨收便欲題詩
散伊鬱瀟江風浪拍天流

題畫馬

天上房星燭地寒峻嶒駿骨落人間如今紙上空形影苦憶
秋風十二閑

蘇伯厚 三首

伯厚名粹以字行建安人洪武中以薦授建甯訓導
遷晉府伴讀永樂初擢翰林侍書遷檢討有素履齋
集

田按伯厚詩不多見竹垞稱其五言有
魏晉風余從武夷山志得其七絕三首

幔亭峯

隱隱虹橋隔彩霞空餘猿鶴怨年華
回看滄海須臾事試問曾孫有幾家

仙館巖

峭石丹青畫不如滿山琪樹學堂虛人間比歲多荒歉好借
琅函辟穀書

仙釣臺

仙子何年把釣竿古臺依舊勢巖巖
桐江七里灘

曾烜
一首

烜字日章以字行吳江人洪武間以歲貢授黃陂知
縣考最擢翰林侍讀永樂中與修永樂大典再使交
趾卒於富良江

送許州太守陳璉之任

華星隱廣川驚颿散高樹故人暫離羣跨馬之官去隔浦聞
疏鍾明朝在何處

黃守一首

守字約仲以字行甫田人永樂中以薦授翰林典籍
遷檢討乞終養改汀州教授有靜齋集

鄭岳莆陽文獻黃約仲永樂間以楷書選赴行在預
修書詞臣有薦其能詩者試中優等授翰林典籍升
檢討約仲詩語意清婉音調和適至今人傳誦之
蘭陔詩話靜齋在翰苑二十年乞終養授汀州教授
其詩五言如雙樹映寒憫一燈明翠微七言如黃沙
白草雲隨馬盡載雕戈雪照營猶見唐人風格

秋山行旅圖

吳煙越樹共依依候館驚心一雁飛三徑秋荒芳草盡亂山
人向故關歸碧雲拂曙迎征旆黃葉從風點客衣間道滄溟

多應詔明時莫遣宦情微

吳溥一首

溥字德潤崇仁人建文庚辰進士授翰林編修永樂
初遷修撰改國子司業有古崖集

捕魚圖

官河雨後春水渾夾河兩岸皆漁村捕魚但願魚課足風波
雖險甯復論大魚無多趁時賣小魚連船賤如芥漁郎捕魚
莫願貧官河魚米朝朝新

趙班一首

班字雲翰祥符人洪武丁卯舉人授兵部主事歷員
外出爲浙江參政永樂初命使交趾還擢刑部侍郎

改工部復改禮部進本部尙書改兵部再改刑部有
僧父集

雪

散漫隨風舞回旋體態輕樓頭秦弄玉天上許飛瓊皓鶴來
時誤昏鴉點處明喜看三白兆臚瑞協昇平

高得陽

四首

得陽字孟升錢塘人洪武中以薦授臨安教諭遷高
州教授永樂初改宗人府經歷有節庵集

次崔原撫書懷韻

簾捲東風楚雨斑高堂靜坐一春閒不愁明月隨流水常怪
浮雲占好山乘興自能過竹所問奇誰擬叩松關哦詩卻憶

崔斯立溪上扁舟幾日還

題扇面小景

煙柳含春色汀花媚夕暉白鷗無住著閑送釣船歸

溪亭小景和蔡長年韻

臨水松篁覆小亭看書終日挹清泠抱琴童子來何晚彈與魚龍月下聽

訪胡宗善

喚渡長堤倚夕陽君家正住錦溪傍東風昨夜山中雨流出碧桃春水香

鄭本忠

三首

本忠字本忠鄞人洪武中以薦爲昌國訓導遷秦府

教授永樂初仍故官有安分齋集十卷

田按安分齋集四庫錄入存目胡文學輯
甬上耆舊詩謹錄本忠一詩蓋未見斯集也

題卓民吉山水

雲卧金峨白山登玉几青老來時見畫少日謾曾經詩屬林
僧和琴同木客聽披圖追往事幽思入青冥

題竺宗武所藏墨竹

誰寫脩脩碧玉圖冰梢霜幹墨模糊扁舟忽憶湘江晚烟雨
微茫聽鷓鴣

題畫梅

老來慣識冰霜苦一見梅花如故人何事西湖林處士年來
不寄一枝春